


84(2рос-ко)  
Ш, 95

Николай ЩУКИН

ЧУЖАН  
МУОЙ-МАМОЙ





341805-101  
535  
Николай ШУКИН

ШО АРЖУН ЧЕЛДЫМЫ  
КЫБУРҖАС, НОЛКЫБҖАС, ВИСЬТҖАС,  
УГЕННА-МОЙД

Сыктывкар


Колм кыж сьом издательство

1997

Колм кыж сьом издательство

1997

Колм кыж сьом издательство



Луконин Шуккин

8904.11

84(2рос-ко)  
Щ95

Николай ЩУКИН



Чужан  
муй-  
мамой



ШОР АРЛЫДА ЧЕЛЯДЬЛЫ  
КЫВБУРЬЯС, НОДКЫВЪЯС, ВИСТЬЯС,  
ЛЕГЕНДА-МОЙД

356147

Сыктывкар  
Коми книжнóй издательство  
1997

Коми республиканская  
ДЕТСКАЯ БИБЛИОТЕКА

84.2 Рос—Коми

Щ 95

**Серпасалис Моторин В.А.**

**Щукин Н. А.**

Щ 95 Чужан муёй-мамёй: Кывбуръяс, нодкывъяс, вись-  
тъяс, легенда-мойд.— Сыктывкар: Коми книжной  
издательство, 1997.— 72 л. б.:ил.

ISBN 5-7555-0595-0

Дона челядь! Коми гижысь Николай Щукин тиян важся ёрт.  
«Нагай лэбач» мойдсё сійо гижліс нин 15 во сайын. Сы бёрти  
сылён петалисны «Азбукаа нодкывъяс» да «Зарни сюра көр» кни-  
гаяс. И со тиян кийн «Чужан муёй-мамёй» нима выль небөг.

Н. Щукин гижё быд жанрын. Сійо поэт, прозаик, драма-  
тург. Гижысь ёна радейтё ассыяс чужан мусё, мича вөр-васё,  
йёзсё да көсйё, мед эськё и ті, быдмысь челядь, некор эн отдортчой  
на дорысь, да ассяньыс вөзйё:

Мед эськё быдёнлы лоин бур ёртён,

Ас чужан муыдлы колана мортён.

Мед эськё ас нэмнад мукöd моз сяммин

Сины став олөмтё Рөдина-мамлы.

84.2 Рос—Коми

Щ  $\frac{4803310500 - 031}{M 128 (03) - 97}$  2 — 97 м

© Щукин Н. А., 1997

© Моторин В. А., оформление, 1997

© Шарипков Г. Н., портрет, 1997

© Коми книжной издательство, 1997

ISBN 5-7555-0595-0

# Чужан мудй-мамдй



**М**

## Чужан муёй-мамёй

ед коть турёб толаавлө мусö,  
Мед коть кыз пу изöйтлө дзик.  
Чужан муыд мамыд кодэ жö муса,  
Нэмыд кежлö дона чужан сикт.  
Мун коть кытчö, шоныд му коть бöрйы,  
Лолыд некор чöв овны оз сет.  
Сы вöсна, мый чужан му оз пöръяв,  
Чужан мутöг шог век лоö тэд.  
Чужан керка, öшинь улын сабри,  
Тайö ставлөн челядьдырся мойд.  
Эм кö сиктыд, коми мортöй, радлы,  
И эн некор омöль кывйөн дойд.

## Юкмöсьяс

Чöскыд ваа юкмöс  
Сиктын миян эм.  
Некор абу тупкöс —  
Сэтшöм сылөн нэм.  
Быд морт васö новлö,  
Кузь туйысь оз чувш.  
Рытъядорыс овлö  
Юкмöсыс нач куш.  
Думайтан, мый васö  
Он нин адзыв дыр,  
Видзöдлан мöд асыв —  
Бара сийö тыр.  
Тöда ме мöд юкмöс —  
Восьса сийö пыр.  
Тыр век сэни, дзулькйö,

Гумлав — нэм оз быр.  
Тыр, дерт, абу ваён,  
Сы кузя он кывт.  
Юкмөс тырыс тані  
Мича коми кыв.  
Сэтысь ме и юа,  
Гудыртны ог сет.  
Аттё, чужан муёй,  
Лышкыдлунсьыд тэд.

### Ордым

Вөрас кывзысьö пулөн быд кор,  
Весиг вөрзыштлас, кок шы кө кылас.  
Енэж ме весьтын лөз — пом ни дор,  
Төдса ордым тан чуксалö ылö.

Пув да тшак вотан кад — гажа кад,  
Көть и кыз пу нин коръяссö кисьтö.  
Татчөс вөр-васö аддзывны рад,  
Рад и тэныд тшөтш, кузь ныра истан.

Меным кажитчö: төрыт на дзик  
Шуда челядьдыр котравліс татчö,  
Ыджыд бипур тан ломзьөдлім ми,  
Весиг пöймсö öні на аддза.

Быдөн тыртлывлім кутшөмкө доз —  
Коді банка, а коді и туис.  
Чөскыд сэтөр да пев пом кодь оз  
Ичөт чой-воклы гортаным нулім.

Пашкыр коз, көні пукавлім пыр,  
Век на өнөдз со сулалö тані.  
Менам помасьліс тан челядьдыр,  
Татчөс ордымөд томлунөс пані.

Тайö ордымыс — олöмас туй —  
Менам вöлöма медводдза туйöн.  
Кöть и ас муысь ылö эз ну,  
Ассым шудлунöс тані ме суи.

### Мед шувгö вöрыс

Ягыс кыпыд, ягыс сьылö —  
Вöрса олысьясöн тыр,  
Кодкö улын, кодкö вылын  
Ассыс олөм нуö пыр.

Кöклысь воясöс ог юась,  
Тöда, менам ашпöр нэм.  
Вöвлі курыд, вöвлі юмов,  
Бурыс водзын эм жö, эм.

Ыджыд нэмын öмöй шудыс,  
Он кö мöдлы бурсö коль?  
Мед жö быд лун лоö югыд,  
Мед жö сöстөм лоö ёль.

Мед жö шувгö, сьылö вöрыс,  
Сылы позьö — абу грек.  
Кодлы овсис — сійö пöрö,  
Кодлы овны — сувтас век.

### Вöрыс козьналö выль мойд

Бара пасьталöма вöрыс  
Уна рöма дзик выль дөрөм,  
Быттö ставнас мича вöт.  
Сынöдыслөн ма кодь кöрыс —  
Лунтыр лолав — он и пöт.

Сайсис ылö баба гожöм.  
Сöмын вежöсь коз и пожöм,  
Налы любö öткодь мич,  
Сулалöны ёнöсь, чождöсь,  
Шувгыштöны, чöла, сідз.

Муна водзö, арыс орчча,  
Кок оз мудз и ме ог шойччыв.  
Вөр керкаын суас вой...  
Кызд пу зарни койö соддзөн,  
Вöрыс козьналö выль мойд.

### **Видз вылын**

Чужан муын гажа гожöм,  
Сиктса челядь сылы рад.  
Ставөн ёнöсь, ставөн чождöсь,  
Воис турун пуктан кад.

Видзьяс вылын сёрöдз  
Уджлөн кылö гор.  
Чукöртчывны корö  
Ёсь гөлöса горн.

Шыльыд видзлөн помыс абу,  
Кыптö зорöд лунысь-лун.  
Сиктса челядь абу лябöсь,  
Некод гортас көть оз мун.

Чужан муным миян ыджыд,  
Мича сылөн олан гор.  
Верстьö йöзлы тэ бур мыджöд,  
Сиктын быдмысь ичöt морт.

## Өнiя морт

Керкаас төв ныр моз быйкнитiс пиыс,  
Радпырысь горөдiс:— Мамукөй, вот!  
Ачым ме төчитi! — дзирдыштiс киас  
Мичаа шыльөдөм ичөтик болт.

Радысла мамыс син дорсө чышкис,  
Нимкодъыс синваөн петiс сы пытшкысь.  
Налысь ме шуднысө, чайта, ог торк,  
Нимта кө кывбурсө — «Өнiя морт».

## Төлысь

Меным вөли вит-квaйт ар на,  
Бабөй висьтавлывлис мойд:  
Эм пө төлысь вылын зарни,  
Сөстөм зарни — уна додь.

Сэк ме думайтлывлi частө:  
Сэтчөдз нюжөдны кө пос,  
Дерт же, эськө — шули аслым —  
Зарни ёкмыльтөг эг кос.

Лои эськө озыр мортөн,  
Йөзкөд юкси — кыв эг шу...  
Чарла-төлысь вылө дзорги:  
Эз-ө кодкө джынсө ну?

Тайө важөн коркө вөли,  
Сэки йөй на вөли, дерт...  
Өнi ачыс югыд төлысь  
Видзө мулысь зарни герб.

## Мыйӧн лоны?

Кадыс вӧлі рыгъядор,  
Сук туруна борйӧд  
Гортлань локтӧны нель ёрт,  
Нуӧдӧны сёрни:

— Батьӧ моз жӧ, быдма кор,  
Велӧдча зэв бура.  
Лоа сы кодъ жӧ шофёр,—  
Ошйысьыштис Юра.

— Дерт, шофёрнад абу лёк,  
Аддзылан дзик ставсӧ.  
Кӧть и менам чукля кок —  
Лоа космонавтӧн.

— Лыйтӧм пӧткасӧ эн кый,  
Оз на, гашкӧ, босьтны!  
Ме вот кӧсья, мед кӧть мый,  
Дзик выль кодзув востны.

Медичӧтыс, Ванюк, со,  
Ӧвтӧ вугыр шатӧн:  
— Ме тай, перво-наперво,  
Лоны кӧсья батӧн.

## Вӧвъяс

Вӧвлины вӧвъяс,  
Вӧвлины чождӧсь.  
Вӧчлісны зэв уна удж.  
Накӧд ме ичӧтсянь  
Зэв уна гожӧм  
Эг ӧмӧй челядьдыр вудж?

Вөвліны вөвъяс —  
Шочмисны найö.  
Аддза кө — малыштны рад.  
Кажитчö, челядьдыр  
Эз на и саяв.  
Бытьтöкө бергөдчис кад.

Эмось и öнi на  
Лöстались вөвъяс:  
Вöснийсь, визулось —  
Петлывлö веж.  
Сöмын ме некор дзик  
Уджалысь вөлос  
Гөнйайтысь вылö ог веж.

Накөд ме ичөтсянь  
Зэв уна гожом  
Кынөмпөт перйивлі пыр.  
Уджалысь вөвъяс,  
Тi век лоий чожось,  
Гажөдöй сөдз челядьдыр.

### Тарас туй

Коли керкаыс бөрö,  
Гөгөр төдса да ас,  
Муртса рөмдыштысь вөрөд  
Мунö лызьөн Тарас.  
Бөрсянь котөртö Лыско,  
Сылөн меддона ёрт,  
Найос кыкнансö кыскö —  
Парма вöрын мөд горт.  
Сэтчөдз мед көть и ылын,  
Войыс вöрын оз су.  
Мортыс пöрысь көть, сылы

Эн мун,— некод эз шу.  
Нэмсö отнасөн оліс,  
Эз и аддзывлы пөв.  
Көть и радейтчөм воліс,  
Сылы кадыс эз вөв.  
Томөн фронт вылө мунліс,  
Сэтөн өкмыліс дой.  
Медым мортыс оз вунөд,  
Частö юкавлө сой.  
Выныс мортыслөн бырө,  
Лызылы оз содты өд,  
Да и лолыс нин тырө,  
Нбылөм чепөсйис брөд.  
Лызь пом таялө понйыс,  
Лымйыс небыд, оз кут.  
Лыско абу жө том нин,  
Дас кык арөса тшук.  
Гортад бергөд вай лызьтө,  
Кывзы, дедөй Тарас,  
Важөн куимысь кызь тэн,  
Пуктіс сьөлөмад пас.  
И со помассис туйыс,  
Вежис югыдсö вой.  
Көть и шонді на уйө,  
Сэт, көн тарьяслөн койт.  
Мыйла бөрдан тэ, Лыско?  
Прөста шызьөдан вөр.  
Ёрттө гортлань көть кыскан,  
Но он ловзьөд нин бөр.  
Өнөдз сикт помлань уйө  
Парма шөрөдзыс чөс.  
Сійөс Тараслөн туйөн  
Өні шуоны йөз.

## Тувсов шор

Көть векныдик да нэр на сійö,  
Но бара нуö из и му,  
И нинöм мед эз сувтöд сійöс,  
Сідз уджалö, мый кайö ру.

Зіль мортысь сійöс он и торйöд,  
Эм сылөн аслас пытшкöс би...  
Быд тулыс татшöм жö вот шоръяс  
Быд юысь кыпöдлöны йи.

## Арся вöрын

Кок улысь дзирдалысь лысва  
Дыша нин öктылö шондi.  
Вöрыслөн турунвиж чышъян  
Син водзын кельдöдны пондiс.

Козъяс да пожöмъяс весьтöд,  
Кымөръяс уйöны чöла.  
Мыш сайын бовйöдла пестер,  
Вотчыны эг на и велав.

Ас чужан вөр-валысь мичсö,  
Мый верма чукöрта сьөрö.  
Сэсся сы олöмысь висьтсö  
Разöда кывбуръяс йөрö.

## Кузнеч

Лымйыс син водзад и сылö,  
Дзольгö-варовитö шор.

Кузнечасянь ылөдз кылө  
Мөлөтъяслөн лөсьыд гор.  
Кыа вөр сайын на узыө,  
А кузнеч нин пөльтис би, —  
Көть и пөрысь, оз төд мудзөм,  
Зэв на чорыд сылөн ки.  
Шондиторсө өдья горысь,  
Оз тай повзы, босьтис друг.  
Вомгорулас сьылө-боргө.  
Мөлөт отсасьö: тук-тук!  
Дасьöсь агасьяс да плугьяс,  
Пыр көть муяс вылө мун...  
Шуа веськыда ме, другьяс:  
Дорө сийö тувсов лун!

### **Медводдза воськовьяс**

Ныр вылас усьлас  
И тапиктө бара,  
Бордьясьтөм лэбач моз  
Шеныштлө ки.  
Весигтө сылы  
Эз тыр на и арыс —  
Кокьяссө корсьö нин  
Медводдза пи.  
Воськовтас водзö  
И аслыс зэв долыд,  
Мед көть и дзугьялө  
Быд турун сі.  
Воськовтө, воськовтө —  
Ыджыд өд лолыс,  
Лов шыяс дзевөмөн  
Любуйтчам ми.  
Думсьыс өд тшөтш

Мыйкө висътавны кӱсйӱ,  
Ичӱтик пышкай моз  
Паськӱдлӱ вом...  
Олӱмыс сылы  
Став бурсӱ нин вӱзйӱ...  
Воськовъяс, воськовъяс,  
Кӱн налӱн пом?

### Кывбур йылысь

Кывбур — сйӱ ичӱтик,  
Но мича висът,  
Кытчӱ лишнӱй кыв-ватӱ  
Он тай кисьт.  
Кывбур — сйӱ кодыр  
Петӱ нюм,  
Либӱ чужтӱ-чуктӱдӱ  
Бур дум.  
Кывбур — сйӱ,  
Кодӱ вӱчлӱ шог,  
Либӱ сьӱлӱм вывсьыд  
Чышкӱ ёг.  
Кывбур — сйӱ ыпъялӱ  
Яр биӱн,  
Кодыр лӱксӱ  
Ас му вылысь виӱ.  
Кывбур — сйӱ ошкӱ  
Мича удж,  
Вӱрӱг дӱнӱ некор дзик  
Оз вудж.  
Кывбур — сйӱ  
Ичӱтик, но топыд висът,  
Кодӱс важмӱм керка моз  
Он кисьт.

## Видза олан, школа

Видза олан, муса школа,  
Тэысь ёна гажным быри.  
Гожся кад коть вöлі долыд,  
Пырам классö любöпырысь.

Ми öд некод весь эг олöй.  
Вöлön новлім турун юрьяс.  
Номйысь, лöддзысь ми эг полöй,  
Коть и найö абу бурöсь.

Кыйим чери, вотöс öктім,  
Ставön гожйöдчимöй сьöдöдз...  
Гожöм коли — эг и тöдлöй,  
Но ми унатор нин тöдам.

Видза олан, муса школа —  
Тэ век любö, тэ эн вунлы.  
Миян водзын ыджыд олöм —  
Пырам классö тöдöмлунла.

Школам, муса школа,  
Веря, гажным быри.  
Гожся кад коть вöлі долыд,  
Пырам классö любöпырысь.  
Ми öд некод весь эг олöй.  
Вöлön новлім турун юрьяс.  
Номйысь, лöддзысь ми эг полöй,  
Коть и найö абу бурöсь.  
Кыйим чери, вотöс öктім,  
Ставön гожйöдчимöй сьöдöдз...  
Гожöм коли — эг и тöдлöй,  
Но ми унатор нин тöдам.  
Видза олан, муса школа —  
Тэ век любö, тэ эн вунлы.  
Миян водзын ыджыд олöм —  
Пырам классö тöдöмлунла.

356147

*Был  
кад мича*





## Тулыс

уныс талун мича,  
Öшиньяс көть восьтав.  
Жёлөб помсянь тичкө  
Тэрыб эзысь войтва.

Видзөдлан көть кытчö —  
Вöрыштöны пуяс.  
Чöскыд васö сырчик  
Кык пöрийö нин юис.

Тöдса йөрьяс дорын  
Лымйыс чинö, чинö...  
Писькөдчöны шорьяс  
Эжва-мамныс динö.

## Гожся лун

Шы ни төв, ни шыч ни рач,  
Вералыштö сынöd.  
Еджыд лым тола кодь нач  
Енэжас кык кымөр.

Лежнөг улын сьöлаоз  
Польдöма гөрд вирнас.  
Кадысь водзджык дзормөм коз  
Мысьсö зарни сирнас.

Гөгөр шывкнитчöма видз,  
Туруныс — он пысьт тэ.  
Шондi аслыспөлөс мич  
Содтöd сэтчö кисьтö.

## Ар

Гөрдөдiс пелысь,  
Рудөдiс ю.  
Кисьмыштөм төлысь  
Нинөм оз шу.

Эзысьөн койö  
Рудзöглысь идз.  
Татшөм лөнъ войö  
Гажтөмтчö видз.

Сюрс биөн ярмис —  
Пөртмасьö кар.  
Кузов тыр зарни  
Нопъялис ар.

## Төвся рөмъяс

Быд керка юрын еджыд чышъянъяс.  
Зэв мича сикөтша быд пу.  
Көть локтысь төлысь налы ышталö,  
Но төвсö төлөн он на шу.

Гөгөр кыпид, гөгөр еджыд,  
Позьö шуны: воис төв!  
Шога дзоргö рудов енэж,  
Быттё лөзнас эз и вөв.

Көдзыд локтö — трутшкө-тратшкө,  
Ропкысь айка кодъ жö нач.  
Керка стенö регыд швачкас,  
Тшөктас ломтыны көрт пач.

Көдзыдыс крут,  
Көдзыдыс яр,

Кок улын лымйыс дзуртö.  
Ок, эськö öнi  
Көръяса нарт,  
Вот эськö вöли бур жö.  
Мед кöть и ыркавлö лолыд,  
Сьөлөмлы долыдлун колö!

Медбөръя бушколыс  
Гартчис и лөнис.  
Шондiөн кузя нин  
Ворсö февраль.  
Сьодасис сиктъясса  
Туйяслөн вөнныс,  
Юр весьтын енэжыс  
Абу нин саль.

Тöрытья толаяс  
Чинöны, пуксьöны,  
Мед кöть и тöv на,  
Но абу нин скөр.  
Век на кöть йинёнъяс  
Крепыда кутсьöны,  
Вөр тövся паськөмсö  
Пөрччас öд бөр.


### **Кыдзи тöвлы воис пом**

Тёп-тёп,—  
Войтва гөгөр тёпкө.  
Шондi шонтö,  
Дзольгö шор.  
Чик-чик,—  
Сырчик вöсни кокнас  
Жуглö йиа  
Берег дор.

Пөрөм пуысь  
Петіс лёлё,  
Тінгё-тёнгё  
Кузь ныр —  
Ном.  
Йинёнъ уси:  
Гиля-голя,  
Вот и төвлы  
Воис пом.

# Найö оlöны мянкöд





## Мый быдмө град йöрын

öть и курыд, уна бурыс,  
Турун быдмө сылөн юрын,  
Курччан — синва пычкас друг,  
Тайö, дерт жö, лоö... .

Первой лоö турунвижөн,  
Сэссия сийö лоö вижөн,  
Гöрдöдас кө — сөйны кор,  
Сылөн нимыс... .

Быдмө баблөн керка йöрас,  
Гырысь, юмов, чöскыд көрыс.  
Öти здукөн тыртан доз,  
Шусьö сiö град выв... .

Быдмө йöрын, зумыд, ён,  
Мукöдсö он лэптышт, он.  
Уна сөян сыысь вöчан,  
Тайö вöлöгаыс — ... .

Вирич пытшкын быдмö-олö,  
Кöдзыдысь зэв ёна полö.  
Быдмас — солав, дозийö тэч,  
Тайö лоö... .

Овлö лöз, и гöрд, и сьöд,  
Сөян, сөян и он пöt,  
Видзöдлан да вежыд петö,  
Вотöсылөн нимыс... .

## Гортса пемӧсьяс

Тӧвбыд карта пытшкын олӧ,  
Гожӧмнас — куш узыны волӧ.  
Эз кӧ видзанторйыс вӧв,  
Эн и сӧйлы нӧк ни йӧв.

Ачыс ыджыд, ичӧт кокыс,  
Сӧйны ковмас — чирзӧ лӧкысь.  
Кӧть и кысьтлӧ сӧян вор,  
Зэв на бур и видзантор.

Сӧйӧ нянь и сӧйӧ турун,  
Небыд гӧна, чукля сюра.  
Тӧрыб кока кӧть, но полысь,  
Баблӧн гидас жӧ и олысь.

Керка йӧрӧд тшапа ветлӧ,  
Шондӧ петӧг гӧлӧс сетлӧ.  
Узыны пырӧ медся водз,  
Сиктад ӧнӧ сӧйӧ шоч.

Вӧралысь кӧ муно вӧрӧ,  
Сӧйӧс век нин босьтӧ сьӧрас.  
Быдтор аддзӧ, кылӧ дук,  
Мортлӧн сӧйӧ медбур друг.

## Лапкор

Ичӧт дырйи ки-кок частӧ  
Дойдлывлӧ ме — вильыш зон.  
Пыр жӧ вӧлӧ лапкор ляска —  
Мӧд лун ме нин важсьыс ӧн.

Туй дор лапкор, некод тӧныд  
Бур кыв уна эз на шу,

А өд йөзкөд олан нэмыд,  
Бокө туй дінысь он мун.

Кузь төв муртса пөрччас пасьсө,  
Тэ нин гөгөр тан и сэн...  
Йөзлы век нин вөзъян асьтө,  
Таысь ыджыд аттё тэн.

### **Пышкай**

Лун шөр лунө, ставыс дырйи  
Пышкай шорө кутіс пырны.  
Бур, мый орччөн вөлі дзодзөг,  
Эз лэдз сійөс кевны водзө.

Бур, мый пышкайпиөс суис,  
Васьыс киняулас нуис:  
— Тэ өд дзоля, дзик на йөй.  
Тайкө ваас тэ эн вөй!

Мед көть абу тэнад полөм,  
Уявнытө кужны колө!

### **Кызди кыйсис Васька кань**

Тувсов шонді мелі, шань,  
Шонтө, оз тай удзөд.  
Өшинь вылын Васька кань  
Лун-лун кургө-узьө.  
Сылы кыйсьынысө дыш:  
Йөв да яйыс тырмө.

Быд пельөсын — кыш да кыш:  
Гыжөдчөны шыръяс.

Öти кыскö сукартор,  
Мöдлы яйтор сюрö,  
Коймöд шырпи — медся збой —  
Васька бöжөн дурö.  
Дöзмис каньыд төкөтбө,  
Щötьыс вывлань кайис:  
— Кыя! — шуö,— öтикöс —  
Симöм нальк пыр вайис.  
Ноксис сыөн бура дыр,  
Кыдзкö-мыйкö октис.  
Гостор öшöдис дзык пыр,  
Нюлис лапа-коксö.  
Сэссия шондi водзö бөр  
Нюжмасьöмөн водис.  
Водзвыв кылис шыр яй көр,  
Дыр эз сейлыв кодос.  
Час-мöд кыйöдчö дыш кыс,  
Рыт нин кутис воны.  
Сэссия-й кутис кынöмыс  
Сюмавны зэв ёна.  
Но оз мыччысь öти шыр,  
Шогсьö: ояя, ояя!  
Вылö лэптис уска ныр:  
— Ачым госсö сёя.  
Гыжнас сатшкис небыд гос,  
Босьтны сэтысь медым.  
Налькйыд швачкис пыр жö — колс!  
Васька ачыс шедi.  
— Мя-у, мя-у, ня-у, ню-ув! —  
Коньөр каньыд бөрдö.  
Доймö лапа, кыдз көть нюв,  
Гөгөр лои гөрд нин.  
Шыръяс локталисны тыр —  
Эз тай ковмы тшöктöм.  
Кытшö босьтисны дзык пыр —  
Заводитчис йöктöм.

— Ок и лосьыд, ок и шань,  
Ачыс сюри Васька кань,  
Модысь оз ло татшөм дыш... —  
Пышъялісны: кыш, кыш, кыш.  
Пырис Саша, ичөт пи,  
Мездіс «коньöранös»,  
Бинтөн гартліс дояин —  
Сашук вöлі шаньөн.  
Мойдöй лои зэв нин кузь,  
Помалам-ö, мый-ö?..  
Öні Васька кань оз узь,  
Шыртö зіля кыйö.

### **Кань да шыр**

Век кө каньыд  
Лоö шаньөн,  
Шырыд сэки  
Лэптас ныр.  
Тэ кө кань?  
Эн асьтö янöd!  
Янöдан —  
Шыр лоö каньөн,  
Шырыд розяд сэк  
Оз пыр!

### **Төлка чипанпи**

Чипанпиян — сад йөр тыр —  
Корсялісны сёян.  
Налань надзöник да дыр,  
Кыссис Ручиль-чойö.

Мыйон казялісны: жбыр! —  
Коді кытчө, пышйис.  
Сөмын өти вижов ныр  
Шеді ручлы гыжйө.

Лэдз тэ менө, Ручиль-чой... —  
Виж ныр корө рама:  
Госа батьөс, колөк, сөй,  
Вайөда и мамөс!

Эскис чипанпилы руч —  
Лэчыд гыжсө восьтіс...  
Позсьыд сэсса он нин судз,  
Тшөкыд тасъяс костсьыд.

Виж ныр горзө сэсянь: — Йөй!  
(Абу на и лябөм.)  
— Ме өд ин-ку-ба-тор-нөй,  
Батьөй-мамөй абу!

### **Төдан-ө чериясөс?**

Гырысь сөмыс  
Зарни рөма.  
Ачыс паськыд,  
Бытьө тасьті.  
Васьыс кыскиг  
Частө водө.  
Черияслөн  
Нимыс...

Сөстөм ваын  
Любө сылы.  
Бадъяс дорын  
Олө-вылө.  
Здукөн кыян

Кило кык.  
Нимыс сылөн  
Бадькор...

Вөрса визув  
Юын олө.  
Вуджорысь и  
Шумысь полө.  
Тшыгмас — сёйө  
Бобув, ном.  
Тайө, дерт жө,  
Лоө...

Оз на овмөдчы  
Быд тыө.  
Яйыс чөскыд,  
Но и лыось.  
Нюйтсыд вөтлы  
Тэ көть кыдз,  
Оз и мыччысь —  
Тайө...

Овлө ыджыд  
Да зэв кыз.  
Шедас — пессьö:  
Баз да быз!  
Сійö-й полан,  
Мед оз мын.  
Тайө чери  
Рөдыс...

Войнас узьö,  
Кыйсьö луннас.  
Вомас пиньыс  
Сылөн уна.  
Курччас сідз,  
Мый петас вир.  
Тайө, дерт жө,  
Азым...

## Вермас, оз?

Пуксы, другö,

Мекöд ворс.

Ворсанторйö:

«Вермас, оз?»

Овлö, рифма

Мöвптö дзугас,

Сы вылö

эн видзöд,

Другö.

«Вермас, оз?»

Бур ворсантор.

Кывзы сюся

Лыддя кор.

Кöдзыд тöлын друг кö зэрмас,

Юысь йиыс сывны...?

Кöкö-чойö вöчö поз,

Сылы позйыс колö...?

Ичöt пусö, кодi нэр на,

Ошпи пөрöдны, дерт, ...?

Рельсьяс кузя паровоз

Мунны вермас али...?

Зэрöм бöрын паськыд лос

Косөн вермас лоны...?

Ягö ветлыны тэ тэрмась,

Сэни чери шедны...?

Збыль-ö кöчпи аслас чернас

Мича керка тшупны...?

Коз пу вылын коляоз

Кöдзыд тöлын быдмас...?

Вугъя вевта сямод доз

Ватö кутны вермас...?

Йöлогаяс тэнö нерны

Тöла дырйи весиг...?

Лым бабалон эм коть рос,

Керка йортö чышкас...?

### **Лыддьöдлана физзарядка**

Чеччам чöла —

Шум ни зык.

Вöчам тадзи:

Öтик-кык,

Öтик-кык,

Öтик-кык.

Вöчам тадзи:

Öтик-кык.

Коскö пуктам

Кыкнан ки,

Недыр чеччалыштам

Ми,

Медым ньöти

Мудз оз коль:

Куим-нель,

Куим-нель.

Медым ньöти

Мудз оз коль:

Куим-нель,

Куим-нель.

Öни лолыштамöй

Пыдöдз,

Кияс шевкнитламöй

Быдөн.

Ме ног, челядь,  
Вөчöй вай:  
Вит и квайт,  
Вит и квайт.  
Ме ног, челядь,  
Вөчöй вай:  
Вит и квайт,  
Вит и квайт.  
Кияс нюжöдамöй  
Тадзи,  
Сэссия лажыньтчамöй  
Надзөн.  
Сувтам:  
Сизим и көкъямыс.  
Бара лажыньтчамöй  
Надзөн,  
Сувтам:  
Сизим и көкъямыс.  
Физзарядка вöчам  
Водзö,  
Киөн судзöдчылам  
Джоджöдз.  
Молодечьяс, ай да  
Класс,  
Помаламöй:  
Öкмыс-дас,  
Öкмыс-дас.

### **Большысь көч**

- Көчö, көчö, кытчö ветлін?
- Кыйси вöрын.
- Мый нö гортад зэв водз лэччан,  
Нач лун шöрын?

— Мый нө дырсө вочны сәни?  
Нопйой тыр нин.  
(Ачыс, полөмлунсө веніг,  
Тірзё пыр на.)

— Ручсө аддзылін-ө, эн-ө? —  
Висьтав, вокө.

— Ручыд эськө шедліс мен да,  
Пышйис вот-а.

— Кутныс эн өмөй нө вермы,  
Тадз мөй позьө?

— Эг и төдлы, нопйой менам  
Вөлөм розя.

Тэнад  
том ёртъяс



**М**

## Митя да дзодзөг

Митя ия сиктын страдна кад. Чеччис небыд вольпассысь ичотик Митя и бара нин гортас некод абу, сомын порысь бабыс пач дорын дозмукъясон ноксьо.

— Чеччин, дона пий, узин на эськө, некытчо од тэныд тэрмасьнысö, — меліасьö бабыс. — Лок инö ме тэнö мыссьодышта да йöла рокон верда.

— Оз ков, — скöралö Митя, мам-батыс бара видз вылö эз босьтны, поръялісны. — Мыйла, бабö, эн чуксав, тэ жö көсйысьлін төрыт?

— Көсйысьлі эськө, бобö, да аслам узьсис, — пыксьö бабыс.

— Узьсис, ыджыд нин, а век тэнад узьсьö, ме ог и сөй роктö. Вот!

— «Го-го-го, — кылö, öшинь улын зыксьö петуккөд дзодзөг. — Го-го-го, ог-ог-ог».

Митя звирк чеччыштис кроватысь да суйис юрсö восьса öшиньö:

— Дзодзук, тэ он нин узь?

— «Ог-ог-ог, — шевкйöдлö борд пöвнас дзодзөг, катлöдлö кузь голянас, чолöмасьö Митякөд: — лок, лок, лок». Митя котöртö ывлаö.

— Митя, Митя, — горзö бöрсяньыс бабыс, — сөйышт көть, на шаньгасö.

Митя пуксьö кильчö помö да чöсмасьö рыська шаньгаон, чегыштас ичотик тор да дзодзөглы мыччö, а сэсса ачыс курчыштас. Бырас шаньгаыс да Митя горзö:

— Бабö, шаньгатö петкөд!

— Мый нö сйöс паськыд голясö вердан, мед ачыс сөянсö корсьö, — броткө баб да бара петкөдö шаньгасö. — Но мед инö сөйö, регыд начкыны ковмас.

Митяслөн керкаыс бокинджык мукөдъясысь, но зэв гажа местаын, неуна кыр горув лэччыштан и Эжва визувтö, окота Митялы сэтчö лэчывны, сөчөнъяс шыбла-

лыштны, галя изъяс чукөртыштны, но бабыс эз лэдз, вöян пö. Вот и лун-лун дзодзöгкöд гуляйтöны... А кодкöд нö сэсся? Некодкöд сылы дружитнысö, öтнас гортын олö. Мукöд детинкаясыс садьö ветлöдлöны. Сöмын Митяös сэтчö эз лэдзны. Окота эськö ветлыны сэтчö да...

Бара асывсяньыс пöжö, весиг муыс шоналöма, Митя-лысь кокъяссö сотыштö. Окота вадорö котöртны.

— Дзодзук, лок купайтчыны ветлам?

— «Огö-огö», — броткö дзодзöг да катласьö-ветлöдлö Митя бöрся.

— Но, лок но, регыдик изъяс сöмыд шыблалышта.

— «Ог-ог-ог».

— Тэ дзик жö бабö кодъ, век ме бöрся вöтлысян, а ещö век верда. Регод начкасны, да он небось сэки вöтлысь.

И со Митя вадорын нин. Сюри плавкös из, да öддзöд-чöмön шыбитö ваö, муртса ачыс оз усь.

— Кык сöчөн, кык сöчөн, — нимкодясьö сийö да бара корсьö плавкös изъяс. А изъясыс танi берег пасьталаыс, и кутшöмыс сöмын абу. А со бабыслөн пожъясяниныс. Ыджыд из чурвидзö ваас, а сэтчö пöv пуктöма. Вот эськö сэнi качайтчыштны, — мövпалö Митя, а тэрыб кокъясыс асьныс нин нуöны.

— «Огö-огö», — кылö скöр гөлöсыс дзодзöглөн берег вывсянь.

— Эн кöсйы мекöд локны да локтан жö, — броткö ас кежас детинка да кавшасьö лайкъялысь пöv вылö.

— «Го-го-го», — горзö дзодзöг, усян пö, думсьыс кöсйö шуны.

— Ог, эн пов, муртса качайтчышта сöмын.

Эз на удит Митя и воны пöv шöрöдзыс, кызди вильдiс кокыс.

— Ма-мö-ö! — горöдiс Митя и сунгысис-усис ваö. Кöсйö сувтны кок йылас, но оз вермы, кöсйö горöдны, но вом тырыс ыльöбтiс курыд ва.

— «О-го-го»! — мый вынсьыс горöдiс дзодзöг, уськöд-чис ваö да дöрöмöдыс кутiс Митяös. Код тöдас эськö, кызди

тайо ставыс помасис, не ко Митялөн бабыс, сийо буретш корсис внуксо да буретш воли лэччо вадоро, эз-о сэтчо мун. Коть и порыс нин сийо, но эз и тодлы, кызди кокъясыс нуисны.

— Митя, зарнийой, тэ ловъя,— кыліс бабыслыс тира-лана голоссө,—мыйла нө эн кывзыс, ок, ок, ок,— ойзис баб.

Митя восьтис синъяссө да борддзис. Висис юрыс, кикокъясыс быттё мудзомаось, эз косийны ворны.

Баб съоқыда поиктис кыр кузя кайигон, Митя куйліс сы кияс вылын да век на кызодис, а на борся восьлаліс дзодзог да броткис: «Го-го-го».

Сёр рытын нин бать-мам воисны гортаныс. И мыйон тодмалісны Митялөн вейлом йылыс, ена жалитісны сийос, чукортчылісны и суседъяс, быдон матыстчывлісны Митя дорө да мольодісны юрсө.

Митя синъяссө куньомон куйліс небыд вольпась вылын, сылы воли любө, мый ставон сомын сы йылыс сернитоны.

— А вермис од и войны,— чассьоыс, буракө, волөма на.

— Бур ещө, мый бабыс казялөма,— содтис бать да копыртчис Митя весьтө,— но кызди, другө, бурдин эн?

Митя восьтис синъяссө да ыджыд морт моз шыасис:

— Бать, дзодзогтө од он начкы?..

Ошинь улын век на кыліс-ветлодліс дзодзог да надзоникон броткис: «Ог-ог-ог!»

## Гыча гуяс

Водзти юыс визувтлөма Дзоль сикт горувти, сесся бергөдома ассьыс туйсө и они кытшовтө ыліті. Ытва дырйи, кор юыс петас берегъяссьыс, ваыс волывлө видлыны эновтом местасө. Вежон-мөд гоститас, сесся бөр исковтө.

Сэтчө кольёны нейджыд гөпъяс да ваён тырём гуяс, кодъясөс шуёны карьерён. Уна вояс чөж совхоз татысь торф перйис, и артмис сэтчө чукыля-мукыля метр вит пасыта кузь ты.

Сиктса челядь тайё гуясас ловъя гычъясөс лэдзалисны. А өні быд гожом сэтысь зарни рёма чериясөс вугыр шатинён лэпталёны.

Өти асылё чери кыйигён Вася Ветошкин горөдіс:

— Эй, челядь! Тадзнад ми став черисө кыям, а сэсся мый?

— Бара на рөдмасны, — шыасис кодкө.

— Бырөдам кө ставсө, кытысь сэсся рөдмасны?

Дыр на вензисны челядь и воисны өти кывйё: чери кульмытөдз некодлы не кыйсьыны.

Быд асыводз Вася волё ты дорё. Мыссыштас кодзыд ванас, сэсся нидзувъяс шыблалё. Талун сийё первойён локтіс татчө, мыссыштіс да чөла кутіс видзөдны ваё. Но черияс эз гыбавны.

Ты пөлөн быдмысь туруныс уналаті лайкнитчөма-водёма. Неылысь сийё адззис тыртём вина сулея, консерв банка да чукрассьём газет. Челядь татчө нинём эз кольывлыны. Ты помас туруныс ещө на ёна водёма, быттьө сәті ыджыд утюг кыскөмаөсь. Уналаын берег дорас кизьөр дьөгөдь кодь няйт. Сәні кодъяскө болсъялөмаөсь гырысь көмкотөн.

— Кодкө войнас кыйёма черисө, — Васялөн весиг гөрддзасис горш дінас, сылы лои зэв забеднө. — Кодъяс татшөм горш йёзыс?

Вася тэрыба воис гортас, разис домөд вылысь Альма понсө да котөрөн уськөдчис ты динө.

Тані вуграсисны зонпосни. Вася мыччыліс Альмалы тыртём сулея да консерв банка, сэсся исөдіс чукрассьём газет торсө.

— Корсь, Альма, корсь!

Пон некымынысь исыштіс газетсө, буракө, гөгөрвоис, мый сысянь көсийёны, өвтыштіс бөжнас, чошкөдіс пель-

яссö да нырсö муö лэдзöмөн дыркoдь исалис берег дорсö, котöртлис ты мöдар помöдз, бөр бергöдчис важ местаас, а сэссия мöдöдчис сиктлань. Вася вöтчис сы бöрся.

Пон мунис надзöник, то сийö бергöдчывлис, исыштлис мукод местаясын да бара мунис водзö. Пон эз кеж мир туй вылö, а кыскис кöзьяинсö кыр горувти. Челядь вöтчисны на бöрся. Сикт помын нин Альма сувтлис, ещö öтчыд исыштлис сынöдсö да веськöдчис Опонь Пешкинлөн керкалань.

Пуысь кодийöм юкмöслөн сруб сайын пукалис Опонь да мыйкö ноксис, сийö эз пыр казаяв челядьлысь воöмсö да лэптис юрсö сöмын сэк, кор Альма скöра эрöстис да кöсйис уськöдчыны быгалöм синма морт вылö.

— Шыть, Альма! — малыштлис понсö Вася.

Опонь кöсйис дзедны чери тыра ведрасö, но эз слöймы. Сийö нюмъевтлис детинкалы, но нюмыс эз артмы, сöмын вежыньтчылис вом дорыс.

— Чери кыйны ветли, гымга вöйтли. — Опоньлөн киясыс вöлины вирöсь да чери сьöмось. Пöв тор вылын вöрöдчисны на борднаныс да паськöдлисны вомсö кыз кынöма гычьяс.

— Ещö и ылöдчан! — скöрысла пузис Вася, сийö чабыртлис кулакьяссö. — Лёк морт тэ, миян тыысь гычьяссö кыйин?! — Зонка кöсйис на ещö мыйкö шуны чорыдöс да дойданаöс, но эз вермы да гораа бöрддзис.

Челядь сулалисны чöла да лög синъясөн видзöдисны места вылас жöдзысь Опонь вылö. Альма эргис да чепсасис Опонь вылö.

## Бать кок пöv

Гришалысь батысь тшöкыда юавлö:

— Быдман да мыйöн лоан?

— От на тöд.

— Но, мöд классын велöдчан, а век он тöд? Мыйö нö школаад велöдöны?

— Грамöтаö тай велöдöны-а.

— Но ладнö, лэдзаласны каникулъяс вылад да совхоз уджъясöн тöдмасям. Гашкö, мыйкö и сёлöм вылад воас.

Гришалöн батысь совхозын директор. Век водз муно удж вылас. Талун Гришаöс водз жö садъмöдiс. Пасьтасисны батя-пия, йöv юыштiсны да петiсны ывлаö. Пемыд на, сöмын сöстöм енэжас кодзувъяс мичаа пöртмасьöны. Гөгөр шы ни тöv. Кок уланыс лымйыс мелiа дзуртыштö. Скöt карта дорын мотор заводитiс уджавны.

— Первой пыралам мöс лысьтысьяс дорö,— шуö батысь.

— Ме ог кöсйы мöс лысьтысьöн лоны,— дузмыштiс Гриша.

— Ме öд ог и тшöкты, кöть эськö мяян кык том морт мöсьястö лысьтöны. И нывбабаясысь оз лёкджыка уджавны.

Скöt картаын югыд да шоныд. Мöсьяс тшапа сулалöны да чöскыд дука турунсö нятшкöны-сёйöны. А на дiнын еджыд халата нывбабаяс ветлöдлöны. Некод оз и пуксьыв мöссö лысьтыны. Мöс нёнъясö пуктасны резинаысь вöчöм стöканъяс, и найö чурскöны-кыскöны йövсö. Видзöдö Гриша, а сы юр весьтöд стеклö труба пыр быгъя йöлыс помся визувтö.

Батя-пия матыстчöны еджыд халата том зон дорö, батысь киасьö ськöд да юалö:

— Ставысь-ö тырмö, Иван Родионович?

— Турун пöжанiнсö регыдджык колö лэдзны, Василий Васильевич,—тадзнад ми став бур турунсö вердам, а тулыс кежлö сöмын лёкыс кольö.

— Лэдзам, эн маитчы, — вочавидзё батыс.

Картаысь петём бёрын батя-пия веськөдчисны гараж-лань. Ыджыд лэбувьяс улын тырыс комбайнтьяс да мукөд сикас машинаяс сулалёны. Мастерскöйса гөрүд пельёсö чукөртчöны механизаторьяс. Гриша быдөнöс на пиысь тöдö. Батыс пуксьö пызан сайö. Гриша сы динö жö сибөдчис.

— Гежöда пыравланныд, Василий Васильевич, — шыасьö олöма морт, — поланныд, мый бара тракторьяслы запаснöй частьяс кутам корны. Сулалö унджык тракторыс.

Дыр на сёрнитöны батыскөд механизаторьяс. Кутшөмкө подшипникьяс корöны, манжетьяс.

Мастерскöйысь петём бёрын Гришалы батыс шуö:

— Со öд, пиук, кутшөм директорыдлөн уджыс. Налы нö мый, вай да судзöд.

Ывлаыс югдыны нин заводитöма. Батя-пия выль керка стрöитанинö веськөдчöны. Сы дорын ыджыд пу бöчка сулалö. Трубасьяс би киньяс сьякйöны. Пырöны сэтчö. Плötникьяс куритчöны да гигзёны-сералёны.

— Видза оланнуд, — чолөмасьö батыс.

— Чолөм, Василий Васильевич! — вочавидзёны мужикьяс.

— Мый нö öнөдз он уджалö?

— Пемыд, директор ёрт, вот эськө стрöйба гөгöрыс лампочкаяс кö öзтисны, позис уджавны, а öнi нинөм оз тыдав. Югзёмсö виччысям. — Плötникьяс дыр на сёрнитöны батыскөд. На динысь петём бёрын батыс бара кутис шуасьны:

— Аддзылин, кутшөм сьöкыд менам уджыс. Быдөн менсьым корöны, а асьныс пукалöны да югдөм виччысьöны. Лöсьыда налы овсьö.

Дыр на ветлöдлісны батя-пия местаысь местаö. Картупель видзанинö волісны, силос гу дорö кежалісны, и быдлаын йöзыс батыслысь мыйкö корисны.

Лун шöрын нин гортас пажнайтны локтисны. Сэссия батыс бөр на удж вылө мунис. Сёр рытын нин батыс локтис гортас.

— Но, пиө, мыйён көсьян лоны?

— Директорён жö лоа, батьö, сөмын бур директорён,— шуис Гриша.

## Варов Миша

Том велöдысь тöдмасьö первой класса велöдчысьяскöд. Лыддьö журналысь ним-овьяссö да быдөнös корö сувтлыны.

— Варов Миша!

Кыпöдчис беринöсь чужöма детинка.

— Ме.

— Зэв тай мича тэнад овид. Ачыдсö нö тэ варов абу? — водзö юасьö велöдысь.

— Абу.

— Мыйла нö?

— Ме бать кок пöv.

— Но, зэв тай бур. Висьтав, сідзкö, Миша, быдман да мыйён көсьян лоны?

— Батьён!

Классын ставён зэв гораа серöктисны.

— Но и Миша, зэв на тэ и варов вөлöмыд. Ме öд көсий юавны, быдман да көні кутан уджавны?

## Пон сёрни

Паньпиян сиктса промтоварной лавка дорё сувтис кельдылз «Жигули». Машинаысь петисны мича паськёма мужичой да рочакань кодь нывбаба. Пырисны лавкао.

— Карсаяс, буракö, — мөвпышти ме, — дона добраяс корсьоны.

Видзöда, машинаас овчарка пон пукалö, калькнитöм öшинь пырыс нырсö мыччöма.

— Майбыр жö нин карса понйыдлы бур көзяин ордад, красуйтчö.

Друг киссьöм потшöс сайысь мыччысис лёзь гона лайка пон, сийö матыстчис машина дорö, лэптылис бөрья кок пöвсö да кётöдыштис воддза гöгыльсö.

— Мун! мун! — равöстис машинаын пукалысь пон.

Сиктса пон повзёмысла чепöсйис бокö, бöжсö кынöм улас сюйыштис, но ылсö эз пышйы да вочавидзис:

— Ог, ог!

— Хам! хам! — эрöстис карса пон.

— Ланьт, ланьт! — эз сетчы сиктса пон да надзöник бөр кутис матыстчыны машина дорö, думсьыс көсийö гöгыльсö курччыны.

Овчарка мыччылö öшиньöд лапасö да индö воддза гöгыль вылö:

— Нюв! Нюв!

— Ланьт, ланьт! — дöзмö лайка да вешийö машина дорысь.

Буретш тайö здукас лавкаысь петöны мича паськёма мужичой да рочакань кодь нывбаба, мужичой ньöбöма аслас понлы небыд узыланін. Нывбабалөн киас пон гөн весалан зу.

— Кут, кут! — увтчö-тшöктö көзяиныслы овчарка.


— Сувт! Сувт! — ырыштчылö сиктса пон вылö овчаркалөн көзяиныс.

А лайка пон котöртö найтөн тырём туй кузя и ачыс оз тöд кытчö.

# Нагай-лэбач

(мойд-легенда)





## Нагай-лэбач

(Мойд)

бу ылын, абу матын,  
Миян коми муын, татон,  
Дерт жö, сиктын — нимыс Озъяг,  
Оліс-выліс öти гозъя.  
Верöс кыйис зверь да пöтка.  
Гöтыр векджык оліс öткөн,  
Аслас шогөн, аслас гажөн:  
Питор виччысисны важөн.  
Öтчыд асывсянныс Аннук  
Вöрысь виччысис Степанöс.  
Сёян-юан пызан тырыс —  
Вывті ёна гажыс бырис.  
Парма-яглань помся дзоргö...  
И со тыдовтчис жö коркö —  
Сьökыд нартсö кыскö верöс,  
Öдва-öдва кайис керöс.  
Ыджыд лэбач сәні педзис,  
Му вылö Степаныс лэдзис.  
— Видза, Аннук, прöмыс вайи,  
Шушьö лэбачыс Нагайөн.  
Кодкö ранитöма бордсö,  
Мекöд сёрнитіс нач морт ног,  
Кувны менö пö эн эновт,  
Бурсьыд вештыся пö тәныд.  
Нинём вöчны, разяв көвсö.  
Ковмас видзны көдзыд төвсö.  
Нагай олö ыджыд позйын.  
Сійöс вердöны том гозъя.  
Вöралысьыд кыйдöс вайö,  
Лэбач чöсмасьö уль яйөн.  
Шевкйöддывлö бурдысь бордсö.

Көсйө петавлыны ортсө,  
Лэбалыштны вөля вылын.  
Тулыс вотөдз абу ылын.  
— Лэдзлы, бур морт,— өтчид шуө,—  
Видла, кызди бордөй нуө.  
Лэдзис лэбачөс Степаныд,  
Сувтөдіс лун төвлы паныд.  
Борднас шеныштіс Нагайыд —  
Бушков өдөн вылө кайис.  
Лунтыр виччысьоны гозъя —  
Оз лок лэбач төвся позйө.  
Сэсся, кор нин пуксис войыс,  
Лэбалысьыд кыськө воис.  
— Кывзы,— шуис,— тэ, бур мортөй,  
Бурдөма нин менам бордөй.  
Тэныд таысь ыджыд аттьө!  
Но он вур тай сыысь платтьө.  
Лоас мясянь прамөй козин.  
Сөмын сійө лоас водзын.  
Лэбам тэкөд саридз сайө,  
А ме вердча сөмын яйөн,  
Гөгөрвоа асьым мыжөс,  
Но тэ начкы гоз-мөд ыжөс.  
Босьтан яй пельса да лэбын,  
Медым менам тырмис эбөс.  
Пуксян менам сылі бердө,  
И кор шуа — кутан вердны.  
Таысь тэ эн дивит менө,  
Көсья аттьөавны тэнө.  
Туйыс кузь, а мед ог мудзөй,  
Тавой гозъя бура узьөй.  
Өні рыт, а воас асыв,  
Рытсьыд сійө мывкыд, ясыд.  
Асья кыа муртса уйө,  
Тэрмөдлө Нагайыд туйө.  
Аннук сөян-юан тэчис,

Верос сывъяліс да лэдзис.  
— Лючки ставыс кō, дерт, лоō,  
Гортō бōр ме регыд воа.  
Тэ эн шогсы — шогыд виō...  
Аннук сылы бур туй сиō.  
Асья шондї ёрō синтō.  
ōдсō лэбачыд оз чинты.  
Кымōр сайōд швичкō яра,  
Сылань, кōні шоныд саридз.  
А сы мыш вылын Степаныд  
Пукалō, кызд еропланын.  
Лэбачōс ыж яйōн вердō.  
Му выв вежсьō вōрōн, эрдōн.  
Регыд лэбōны-ō, дыр-ō?  
Яйыс пельсасьыс нин бырō.  
И, друг, муыс быттьō потї —  
Саридз тыдовтчис зэв ота.  
Сийō веж быгъя да гыа,  
Сыкōд ворсō рыгъя кыа.  
Регыд дзыкōдз воши муыс,  
Бергōдчис Нагай и шуис:  
— Тэысь, бур морт, ог мōд дзебны —  
Быдса вой ми кутам лэбны.  
Кыла, эбōс менам чинō,  
Сōмын повнысō дзык нинōм.  
Сэян-юана кō лоам,  
Асьядорыс гортō воам.  
Мойдын быдторōдйō тэчсьō,  
Со и бара шондї чеччō.  
Саридз быттьō абу пома,  
Мудзōма Нагайыс ёна.  
Бергōддывлō крука нырсō,  
Яйыд пельсасьыс нин бырсō.  
Оз зэв дыр Степаныд ноксы —  
Вундō яйсō аслас коксыс  
И Нагайōс бара вердō...

Вооны крут гөра бердө.  
— Но, Степанушко, бур мортöй,  
Аттьö тэн, вот ме и гортын.  
Быдми ме дас сизим во тан,  
А тэ мыйла сідзи чотан?  
— Миянкөд мед эз ло лёкыс,  
Яйсö вундi аслам кокысь.  
— Но, Степан, ог вунөд буртö,—  
Дояс сьöлыштö, и бурдö.

Гөра йылас кымөр орö,  
Лэбач рөдняяссö корö.  
Горөдчис, и кыськө вылысь  
Воча чукөстчис выль сьылысь.  
Сэсся гөра бердö здукөн  
Ас кодьыс Нагайяс чукөр  
Пуксялісны радөн-радөн —  
Воксö аддзыны зэв радөсь.  
Сэн жö эрд вылын, дзик шөрас,  
Кодкө павкнитіс кузь дөра:  
— Верд да юктав! — сөмын шуис,  
Быдөн сэтысь сөйис-юис.  
Ставыс эм, мый ловлы колö,  
Шома-юмов, курыд-сола.  
Өти видзөдлөмсьыс пөтан,  
Овлö тадзтö сөмын вөтын.  
Коми морт тшөтш сөйö-юö.  
А Нагай сэн ставлы шуö:  
— Дона вокъяс, муса чойяс!  
Терпиті ме сьökыд дойяс.  
Не кө пармаса бур мортыс,  
Эг эськө и аддзыв гортөс.  
Тшөктас кө — ме сета олөм,  
Шу, Степан, мый мясянь колö?  
— Мый мен колö? Кыдз тэн шуны?  
Колö, медым чужан муным

Некор тшыгъялөм эз төдлы.  
Быдөн вөлім өта-мөдлы  
Чойөн-вокөн да бур ёртөн,  
Но и нөшта — овны гортын.  
— Ошка тэнө, — буртор көсьян,  
Сөмын со мый ассиянь вөзъя —  
Тэ, со, кыян зверь да пөтка,  
Но өд йөзсьыс олан өткөн.  
Төда, мортыс абу дыш тэ,  
Лолыд ыджыд, ачыд лышкыд.  
Но мед лои шуда олөм,  
Ставлы өтувтчыны колө.  
Кывлі ме и тэ эн этша:  
Му вылас эм сюра лешак,  
Морт нога жө — киа-кока,  
Сысянь петө дзик став лёкыс.  
Сэки лоас сійө ловтөм,  
Кодыр чужас кодкө повтөм.  
Тэнад көсйөмыд сэк збыльмас,  
Йөзыс овмөдчасны выль ног.  
Тайө ставыс лоө водзын,  
Өні сета көсйөм козин.  
Видзөд, пожөм со, зэв пашкыр,  
Вужъяс увсьыс аддзан ящик,  
Сэтөн ставыс эм мый колө,  
Нужа төдтөг морт мед олө.  
Асьтө ковмас киө босьтны —  
Гортад вотөдз эн лысьт восьтны,  
Телепит көть лоө тэныд,  
Бур кө көсьян — кывзысь менө.  
Көть и вердө парма вөрыд,  
Козьнала тшөтш пызандөра.  
Тшыгөм кадө сійө туяс.  
Но эз ло мед сьөкыд туйыс —  
(Гортад татысь мунан метөг)  
Зарни чунькытш нөшта сета.

Ковмас — сюян нимтөм чуняд,  
Кыкнан синтө сэки кунян,  
Вуджан паськыд саридз вомөн.  
Оз ло некутшөм тэн помөд.  
А мед туйыд эз вөв кузьөн,  
Пемыд войсө пөттөдз узян.  
Рытын бур, а воас асыв:  
Нөшта лоө ставыс ясыд.  
Саридз весьтын кыа ветлө,  
Дась Степан кузь туйө петны.  
Ыджыд аттьө ставлы шуө,  
Копыртчылө кок ув муөдз,  
Нагайясөс пөся кутлө,  
Зарни чунькытш чуняс пуктө...  
Кунис синъяссө и ачыс  
Саридз весьтө өдйө качис.  
Быттьө төв ныр сийөс нуө  
Чужаніө — Коми муө.  
Паськыд саридз кольө бөрө,  
Лэччис пожөма сук вөрө.  
Вөралысьыд шензьө ачыс,  
Со и сылөн лэч туйясыс.  
Коми мортыд пыр и ярмө:  
— Видза олан, муса парма!  
Төдса туйөд шавксё гортас,  
Дона козинъясыс ордас.  
Өд оз чинтив, лов көть тырө,  
Аннуксьыс өд гажыс бырө,  
Төдө, ордымыс көть кузь на,  
Тавой гортас воас узьны.  
Сэки ордымыс друг орис,  
Ойдөдөма төдтөм шорөс.  
Аслас синъяслы эз эскы:  
Вөрыс тшем и туйыс дзескыд.  
Пуксис шойччөдыштны коксө,  
Муө лэдзис мышсьыс нопсө.

Юрсö öти мöвп и бытшкö:  
Видзöдлыны ящик пытшкö.  
Кыш кодь кокныдык да ичöt,  
Мичаджыка он и мичöd.  
Эз-ö пöръяв нин Нагайö,  
Гашкö, сöмын чача тайö?  
Восьтны кöсйö, восьтны колö,  
Кодкö тойлö:  
— Колö! Колö!  
Сэк Нагайлысь кыськö ылысь  
Нарадитан гөлс кылис:  
— Асьтö колö киад босьтны —  
Гортад вотöдз эн лысьт восьтны!  
— Мый нö тайö, вöt-ö, вемöс?  
Кутшöм лешак тойлö менö?  
Кöсйö чеччыны — оз вермы,  
Кодкö шуö:  
— Тэрмась! Тэрмась!  
Он кö восьты, он вöч воськов,  
Восьт, Степан, тэ шорсö косьтан!  
Мыйла, думыштны эз вевъяв,  
Вевтсö кыпöдыштіс певнас,  
Ящик лои джуджыд, паськыд,  
Тырыс сэнi дона паськöм,  
Тулан куясысь гач-дөрöм,  
Зарни шөртысь кыöм дөра,  
Ковта, сарапан и платтьö  
Кудйысь ортсö петö-каттьö.  
Гöрд и сьöd, и лöz, и еджыд —  
Ставыс вылö петö вежыд.  
Атьöалö морт Нагайöс,  
Но кыз нуан ставсö тайöс?  
Ящик пöдлавны оз вермы,  
А сэн кымөр локтö, зөрмö.  
Кольны жаль, а ящик сетö,  
Дона кöлуй петö, петö...

Пукалө Степан да ымзө:  
— Ок, Нагайос тай эг кывзысы!  
Сюра лешак менө тойлис,  
Мый нө вöчны? Ойя, ойя!  
Шызис сэк став парма вöрыс —  
Пöль сэсь мыччысис зэв пöрысь.  
Шапка кульлытöг и шуис:  
— Кутшöм шог Степанос суис?  
— Ветли, пöльö, саридз сайö,  
Ящик козьналис Нагайö,  
Гортад вотöдз пö эн восьты,  
Да лешакыс сямос босьтис,  
Мыйта добра тани вошö.  
Пöль сэк малыштис сьöд тошсö:  
— Отсавны, дерт, верма тэныд,  
Но, а мый тэ сетан меным?  
— Сета ставсö! Шу, мый колö?  
Добрайс мед гортö волö.  
— Сетан кө выль ловъя ловтö,  
Коді тэтöг вöлі ловтöм,  
Коді тöрыт сöмын чужис —  
Могмöда ме тэнсьыд нужа.—  
Дерт, зэв ичöтнас оз ков мен,  
Сöмын уна во мысьт овмөн.  
Ковмас — вола сэки ачым.  
Бөрйы: нужа либö лача?  
— Мыйся ловъя лов нө гортын?  
Гашкö, мегö корö мортыс?  
Гашкö, куканясис мөскöй,  
А ме донъяся тан прöста?  
Ме сöглас, вай отсав, пöльö,  
Видзöда, тэ олан гöля.  
Кöсйыси кө, пыр и сета,  
Мыйөн гортö вöрысь пета.  
Беддöн тотшнитис сьöд тошкыд,  
Ачыс му пытшкөсас воши.

Ящик бара лои ичөт,  
Кыш кодъ кокни да зэв мича,  
Дзик став көлуй төрис сэтчө.  
Степан збодера зэв чеччө.  
— Мый нө тайө, вөт-ө, вемөс?  
Лешак босьтліс-ө юр вемөс? —  
Воши со и төдтөм шорыс.  
Ордым водзлань мунны корис.

Шонді лэччис парма сайө.  
Ветлысь кильчө вылө кайис.  
Аннук чепөсйөма паныд,  
Сёысь окалө Степанөс,  
Ачыс шуда синва сорөн  
Узьлан вежөс пытшкө корө.  
Көть и сәні пемыд, битөм,  
Пыр и аддзис — куйлө питор.  
Ас кодъыс жө — нырыс чангыль,  
Ён да мича — веськыд ангел.  
— Аттьө, Аннук, менам мада!  
Но и олөм лоө лада  
Ыджыд шудлань чужөмбанөн,  
Пиөс нимтамө Иванөн!  
Уна васө Әжва нуис,  
Сыкөд өттшөтш кадыс уйис.  
Семья пытшкын праздник тарыт.  
Ваньлы тырис сизим арөс.  
Батькөд гөрө-көдзө вөлөн.  
Оз өд прөста «бать кок пөлөн»  
Мамыс меліа шу Ваньөс, —  
Мортыс велөдчө ас няньө.  
Водз кө водө, водз и чеччө,  
Ас коддьөмъяслы оз сетчы.  
Гижны, артасьны нин кужө,  
Төлкыс ассьыс водздзык чужлөм.  
Батьсө чунь крукөн нин вермө.

Но, а вөрө бать оз тэрмөд.  
Батьос — оз-оз да и лёкысь  
Нюкыртлывлө вунтөм шогыс.  
Со и талун, праздник рытө,  
Казытылө, мый вөвлі кытөн,  
Кызди ассыс писө виис...  
Орччөн гөтырыс ни пиыс,  
Узьоны, оз нинөм кывны.  
Өтчюд югзылыс став ывла.  
Быттьө вөвъяс вылын дасөн  
Гөнитисны. Ошинь тасө  
Кодкө крепыда зэв кучкис,  
Сэсся гөлөс кыліс лючки:  
— Эй, Степан! Тэ кылан менө?  
Коркө отсавлі ме тэныд!  
Эн-ө вунөд ассыд могтө?  
Аски та кадө жө локта!  
Мөдысь казтывны оз ков мед,  
Дасьты туйө ловъя ловтө.  
Бара югзылыс став ывла,  
Пөльлөн гөлөс дугдіс кывны.  
Степан дзикөдз шогө вөйис,  
Асьсө нимтө полысь йөйөн.  
Дай Нагайыдлысь эг кывзы.  
Асивводзөдз бөрдө-ымзө,  
И дзик ставсө, кызд мый вөлі,  
Висьтавлө Степан зэв чөла.  
Морт сьөлөмыд абу көртысь,  
Аннук вөлөм єна бөрдысь.  
Мый нө, Степук, вөчны мөдам,  
Абу шудным, өні төдам?..  
Ачюд ставсө висьтав сылы...  
— А ме, батьө, ставсө кылі.  
Немтор, лөсьөдөй вай туйө,—  
Ванюк садьмөма да шуис:  
— Ме кө сылы зэв нин кола,

Сійос ме и виысь лоа! —  
Кадыс вой шөрланьö уйö,  
Ванюк дась нин петны туйö:  
— Но, эн шогсьöй, бура олöй,  
Чужан гортö бөр на вола,  
Бурыс эм жö вöльнöй светас...  
Батыс зарни чунькытш сетис.  
— Тайö отсалас тэн коркö  
Воны аслад чужан гортö...  
Верман кö, кöть юөрт кыв-мöд...  
Сэк друг югзъыліс став ывла.  
Быттö вöвъяс вылын дасөн  
Гөнитисны. Öшинь тасö  
Кодкö крепыда зэв кучкис,  
Дедлөн гөлөс кыліс лючки:  
— Эй, Степан, тэ менö кылан?  
Чайта, талун он нин ылöд?  
Öдзöс воссис, пеша кусі,  
Аннук садътөг джоджö уси.  
Прöста чуксасьö Степаныд —  
Воши-быри налөн Ванюк.  
Көн тэ, миян ичöt Ваня?  
Мый нин тэкöд, ставыс шань-ö?  
Ловъя сійö, олö-вылö  
Чужан мусянь вывті ылын.  
Казачитö Лешак ордын,  
Он тай пышйы чужан гортад,  
Кöть и ёна быри гажыс —  
Сюся видзö сэтчöс стражыс.  
Пышъян — пуля вермас суны.  
Вань коддьöмыс тани уна.  
Сюра лешак найöс новлөм,  
Мый нö вöчан? Лоö овны.  
Быдөн ассъяс уджсö вöчö,  
Ванюк уджалö кузнечөн,  
Асывводзсянь да рытсёрөдз

Пицаль, сабля дедлы дорö.  
Мöдыс пыдди пуктö сійöс:  
— Тэнад, — шуö, — зарни кийд!  
Но тэ лишнöйсö эн сёрнит,  
Пушка регыд кутам дорны!  
Тан, дворечын, пöлькөд дiнас  
Оліс-выліс Маша нима  
Ныв, кыз мойдын, мича-мича,  
Абу ыджыд, абу ичöt.  
Нюмгёвтлас кө — быттö шондi  
Аслас югөръяснас шонтö.  
Лöзов сингьясыс зэв шангёсь.  
Отчыд сійö шуö:

— Ванюк, —  
Аддза, тэныд абу долыд!  
Мыйла невöляас олан?  
Кöсьян отсала, но сёрсьыд  
Босьт тэ менö Лешак йөрсьыс.  
Ме тан кадысь водзджык чуса,  
Ванюк, тэ мен важөн муса.  
Вангёс моз жö томөн-этшөн  
Пышйöдлöма сійöс Лешак.  
Велöдö, мед тöдiс быдтор,  
Гундыр сайö сетны быдтö.

Горйын биыс сявкйö яра...  
Ванюклы дас сизим арös.  
Дас во — мөлöта кузнечөн,  
Вермö керны шытö, мечтö,  
Сöмын тöдö батыс серти,  
Лешаклы пö абу смертгыс.  
Нывлөн кийс — зонлөн кийн:  
— Лешаксö кө эськö вины,  
Мöд ног татысь ог и мынлö.  
Мöдöдла ме тэнö вынла.  
Тэгьс, Машук, нинём дзевны,

Саридз сайё колё лэбны.  
Менам тарой, муса Маша,  
Тэнё тёдө татчөс стража.  
Тэ өд быдлаті дзик ветлан,  
Ме тэн зарни чунькытш сетла,  
Коді нимтөм чуняс сюяс,  
Кытчө колё, сэтчө нуас.  
Гөра вылын, саридз сайын,  
Кывлі, олө пө Нагайыс.  
— Гашкө, сійё мыйкө төдө?  
— Ванюк, аски жө ме мөда...

Шонді петө. Паськыд эрдө  
Мунё Маша, сьөлөм бердө  
Зарни чунькытш йөзысь дзебө.  
Суйё чуняс да и лэбө.  
Бытгьё гөнтөр моз дзик ачыс  
Кымөр сайё өдийө качис.  
Вына төв ныр сійөс нуө  
Саридз вомөн лунвыв муө.  
Со и саридз кольё бөрө,  
Со и водзын джуджыд гөра.  
Нывлөн сьөлөм тірзью-чеччө —  
Мича эрд вылө со лэччө.  
Зарни из вылө со кайис,  
Горзё-чуксалө Нагайөс.  
И друг гөра вылө здукөн  
Павгысис ён лэбач чукөр.  
Пуксялісны мича радөн.  
Төдтөм гөстялы зэв радөсь.  
— Кутшөм мог нө, нылук, суис? —  
Дзор Нагай сэк морт ног шуис.  
— Кузнеч Ваня менө ыстіс,—  
Зарни чунькытш пыр жө кыскис,—  
И со сетіс меным тайөс...  
Борднас шеныштіс Нагайыс:

— Абу кывзёма Степаныс!  
Коді лоо тэн Иваныс?  
— Чунькытш — менам жөникпулөн,  
Сюра Лешак сійөс нулөм.  
Месө сы ордысь жө нылыс,  
Смерть жө көсья сөмын сылы!  
Но ог төдөй, сылөн эм-ө?  
— Некод абу помтөм нэма,  
Но, а тэ кө сяма нылыс,  
Ачыд тайөс төдмав сылысь.  
Но, а жөникпуыд, Ваньыд,  
Ловсө босьтны, чайта, сяммас,  
Отсөг ковмас кө — мед кылі,  
Менсыым тывборд нетшышт, нылук,  
Кодыр ковма — сійөс нюкыльт,  
Лэбзя тiян дiнө здукөн.  
Небыд тывборд нывлөн ордас —  
Чунькытш сійөс нуо гортас.

Тувсов шондi зэв нин вылын:  
Двореч пытшкысь лявксьом кылө,  
Тайө мутияс да бесьяс  
Локтөмны шемела песны.  
Сёян-юан — мый сэн абу —  
Лешак водзын Ёма Баба  
Лёзь юрсиа, чотө-йөктө,  
Асьсө окавлыны тшөктө,  
Сэн жө куим юра Гундыр  
Юөмысла мач моз дундөм.

Горзө:

— Сет вай Маша нывтө,  
— Сета, вай мем биа кывтө,  
Верма сійөн парма сотны,  
Менам Ёма оз кут чотны.  
Дөзмө Гундыр: чега сюртө,  
Воштан сэки дона юртө!

— Дугды, Гундыр, дультö пуны,  
Бөръя кывтö медводз шуны...  
Маша насянь абу ылын,  
Маша ставсö тайöс кылö,  
Мед оз веськав гундыр муö,  
Кокыс Ваня динö нуö.

— Муса ёрт, мый абу долыд?  
Шойччышт, тырöма жö лолыд,  
Ассьым кыв ме тэныд сетлі,  
Ме Нагай дорад и ветлі...

— Ветлін? Висьтав, ачыс кутшöм?

— Кыдз тэн шуны?

Дзик жö кутш кодь.  
Сöмын нель пöv сысысь ыджыд,  
Нырыс крукаджык, а гыжйыс  
Чуньысь кузь. А синмыс мича,  
Кöть и блюдйысь абу ичöt.

— Аддза, Машук, шудөн öзъян,  
Мöдтор öнi тöдны кöсья.

Ставсö тöдмалін-ö бура?

— Смертьыс Лешакылдлөн сюрас...

— Сэсся нинöм ог кут корны,

Лэчыд меч ме кута дорны.

Сидзкö, вичмас сталь-булатыс.

Мен тэ лоин вывтi матын...

Двореч пытшкын комын вежös,  
Ставас гажöдчö быд пежыс.

Гундыр нюжөдöма кывсö:

— Лешак, кытчö воштiн нывтö?

Здук эз коль, и слуга-стража

Вайөдöны мича Машös.

Сюра Лешак ставыс водзын,

Гашкö, медся ёна коддзöм;

— Гундыр, менам медбур ёртöй,

Нуас тэнö аслас гортö,  
Лоан гöтырөн тэ сылы,  
Колö меным сылөн кылыс.  
Нывлы зывök, скөрла öзйö:  
— Гундыр сайö? Ме ог кöсйы!  
Сййö гыж донöс оз сулав,  
Бурджык лоö — ме кö кула.  
Некор морт ним ме ог янöd,  
Сöмын радейта Иванös!  
— Тэ, Иванös? Эй тi, стража?!  
Эг нин аддзыв сййöс важөн!  
Сюра Лешак скөрла пуö.  
Гундыр сылы гöрдлö-шуö:  
— Öнi чега кыкнан сюртö,  
Нуа гортö дона юртö.  
Гундыр сöмын сёрни панiс,  
Стража вайödиc Иванös.  
Зонлөн видзöдласыс чорыд:  
— Мыйла, Лешак, менö корин?  
— Но, Иванушко морт лов тэ,  
Аддза, некодысь он пов тэ.  
Висьтав, быдөн медым кылас,  
Радейтан-ö Маша нылös?  
— Сытöг лун югыдыс кусö,  
Маша меным медся муса!  
— Но и но, егулигачöй,  
Гундыр, мый тэ шуан татчö?  
— Но, Иванушко, свöякöй,  
Ме öд тэнö бöжөн ляка.  
— Пез лов, ёнасö эн ышмы,  
Муртасям вай честнöй тышын.  
Паськыд эрд вылас вай лэччам,  
Петала ме булат-мечөн!  
Лешак думыштiс да шуис:  
— Тадзтö, ме чайта да, туяс.

Куим юра Гундыр педзö,  
 Иван аслас булат-мечöн  
 Матыстчö и мый эм эбöс  
 Сöтыштö, и юр пöв лэбö.  
 Гөгөр резсьö пеж сьöd вирөн,  
 Мöd юр скöрысь пиньсö йирö,  
 Зильö кватитны Иванöс,  
 Мöдыс төвзьö сылы паныд.  
 И, мый вынсьыс сьökыд мечöн,  
 Мöd юр Гундырыдлысь лэдзö.  
 Коймöd юрыс пöльтö биөн,  
 Дженьыд мечнад он судз сийöс.  
 Муыс гөгөрбок нин сотчö,  
 Иван öнi оз пет воча,  
 Ассьыс вынсö бара чöжö —  
 Öти здук, и Гундыр бöжöd  
 Котöртö и сötö бура —  
 Коймöd юрыс ылö тюрö.  
 Гундыр бöжыс век на пессьö,  
 Дзик став мутияс да бесьяс  
 Пышьялöны ылö, пыдö,  
 Ёма Баба тшötш оз тыдав.  
 Сöмын көзяиныс, Лешак,  
 Гыжьялыштö сюра плешсö:  
 — Гундырöс, Иван, тэ венiн,  
 Öнi ачыд шедан меным...  
 Аддза, мортыс молодеч тэ,  
 Вай мен ассьыд булат-мечтö.  
 Тэ öд, тöда, верман тайөн...  
 — Лэчтышта да сэки вая.  
 — Но, смотри, эн сöмын ылöд...  
 Сыкöd орччөн Маша нылыс  
 Шуö:  
 — Эн вай янöd асьтö,  
 Мун да веж кöть улыс гачтö.  
 Лешак öвсьö мирөн-бурөн,

Мый водзын кӧ лудӧ сюрис:

— Но да ладнӧ, муна, муна,

Тиян вӧсна водзӧ юны...

Сы ни садь со Иван узьӧ,

Ёна талун мортыс мудзис.

Кадыс вой шӧрланьӧ матын,

Маша сійӧс, жаль кӧть, катӧ:

— Ванюк, зарнийӧй, тэ кылан?

Абу лӧсьыд сьӧлӧм вылын,

Ӧдйӧ чеччы да вай пасьтась.

Лешак лектор тэныд дасьтӧ.

Булат-мечтӧ сьӧрад босьтан,

Крепость ӧдзӧс талун восьса.

Юкталі ме дзик став стража,

Ставӧн узьӧны нин важӧн.

Нагай тывборд, чунькытш сьӧрын,

Бурко вӧлӧй орчча вӧрын.

Эм-ӧ абу миян шудным?

Маша сьӧлыштис кык блюдйӧ.

Ваньӧс сьӧлыштны жӧ корис,

Сэсса эновтисны гортсӧ.

Ӧдйӧ тӧвзӧ Бурко вӧлыс,

Сӧмын шутлялӧ ён тӧлыс.

Юръяс весьтын кодзувъясыс

Кусалӧны. Югыд асыв

Оз и тэрмась быттьӧ локны,

Нылӧс-зонмӧс видзӧ лӧксьыс.

Но, а сӧк кості дворечын,

Лешак водза-водз на чеччис.

Видзӧдӧ, да сылӧн стража

Коді узьӧ, коді гажа.

Медся пӧрысьыс — скӧр мути

Горзӧ-сьылӧ: ту-ту, ру-ту!..

— Эй ті, шакъяс, кодъяс танӧсь!

Корӧй ме динӧ Иванӧс!

Узьö кö, мед пыр жö чеччас,  
Да мед ваяс булат-мечсö!  
Пырысь-пыр жö медскöр шакыс  
Лэбис, быттö бордтöм рака.  
Горзö Иван көбрег дорын:  
— Сюра Лешак öдйö корö!..  
Шыасьö Иванлөн дуллыс:  
— Мый сэн, шакöй, кутін кульны?  
Весась, он кö кöсйы лёксö,  
Пасьтася да пыр и локта!  
Час коли — кузнеч век абу,  
Лешак шамралö нин кабыр,  
Жöдзö — местаас оз инась,  
Мöдöс ыстö Иван динö.  
— Эй, кузнеч, тэ менö кылан?  
Вочавидзö дуллыс нывлөн:  
— Висьтав, Лешак мед оз лёкав,  
Сёйыштам да пыр и локтам!  
Бара час коли, сэк ачыс  
Лешак чеччыштіс и скачөн  
Локтіс көбрегö Иванла,  
Кöрт öдзöсö бедьнас тангис.  
Пырысь-пыр жö коймöд дуллыс  
Шыасис:  
— Тэ, Лешак, кулан!  
Сюйис көбрег пытшкö нырсö —  
Некод абу — сійö тыртöм.  
— Эй ті, шакъяс, менам стража!  
Корсьöй кыкнансö кысь гажыд!  
Кулөмөн көть ловйөн, вайöй!..  
Машук Иван мышку сайын  
Пукалö да кывзö чöла.  
И друг кылö — уна вöла  
Найöс вөтөдöны бöрсянь:  
— Видлам налысь синсö пöртны.

Бурко вөвлы Маша кучкис,  
Артмис өзима му лючки.  
Ваньлы кучкыны тшөтш ковмис:  
Сыысь артмис важ часовня.  
Но, а асьсө Машук вөчис  
Пиньтөм вома пöрысь пöчөн.  
Луныс лои шог да гажтөм.  
Бушков төлөн локтис стража,  
Панис сёрни медлөк шакыс:  
— Ныв да зонмös эн-ö аддзыв?  
Пöчö вочавидзö сылы:  
— Ме öд омöля нин кыла!  
— Эн-ö йöзös аддзыв татысь?  
— Вөтлала со катша-рака...  
— Ачyd катша-рака, пельтөм,—  
Пöчös кодкö, кылö, эльтис.  
Шакыд вöвсö кучкис орсөн:  
— Лешакыс мед найös корсьö!  
Стража гөнитис бөр ылö.  
Пöчö бара лои нылөн.  
Öзимыс, көн ворсис төлыс,  
Бара лои Бурко вөлөн.  
Водзö гөнитöны найö,  
Кымөр шондисö оз сайöd...

Пöрысь шакös Лешак пурö:  
— Көнi вöли тэнад юрид?!  
Му бердас кö öнi ляка,  
Аддзылан сэк катша-рака!  
Эй, тi, мутияс, виль стража!  
Корсьöй найös кытысь гажыд!  
Медлөк мутиясös вövъяс  
Лэбödöны быттö нövъяс.  
Шондi кыптöма нин ылö,  
Маша бара вөтчöм кылö:  
— Часлы, шмонитыштам накöd,

Ваня, лоан тэ — Кабакон,  
Простит мянос тэ, Бурко,  
Лоны тэныд вина-сурон.  
Ачым лоа кабак тыотон,  
Гажодчыштэй, лешак рөдөй!  
Стража мыччысьо съод вөрысь,  
Аддзө кабак нач туй шөрысь.  
Варов тыөтө кильчө дорын  
Мутияслы өвтө-корө:  
— Дона гөстьяс, тупыль юрьяс,  
Видлөй менсьым вина-сурөс,  
Гөститөда, дон ог кор ни.  
Пөрысь мути панө сөрни:  
— Корсям ми злөдей Иванос.  
Оз-ө дзедбсясь сийө тані?  
Ачыс синнас сідзи-й ворсө.  
— Прөста сийос татысь корсян.  
— Олам өтчид, а ог кыкысь,  
Эз кө сюр, и лешак ськөд!  
Ме и ачым ыджыд чина,  
Вай, көзьяйка, сур и вина!  
Гажөдчөны мути позъяс,  
Кодкө горзө: «Козийө, козийө!..»  
Пөрысь мути ачыс сьылө.  
Кыдзкө-мыйкө вөвъяс вылө,  
Коді боксянь, коді бөрсянь,  
Кавшасисны мути рөдъяс...  
Кабак Иванө бөр воө,  
Тыөтө пыдди Маша лоө.  
Сөмын кольөм вина-сурсьыд  
Оз нин чеччы вернөй Бурко...

Лешак ку пытшкөссьыс петө —  
Кодос чужийө, кодос летө,  
Кодлы нырас суйө кабыр,  
Петкөдла пө тиян кабак!

Горзö:

— Вөлös мен, Абачös! —

Иван бöрся тövзьö ачыс.

Сьökыд көрт бедь кутö киас,

Мурзö: кыкнаннысö виа!

Ныв да зонлөн туйыс пода,

Тэрыбösь, но этша содö.

Тувсов шондi век на вылын,

Маша бара кок шы кылö:

— Ачыс Лешак тövзьö татчö.

Но, Иван, мед оз вош лача...

Чужан муöй, парма вөрöй!

Батьöй, мамöй-сьөлөмшөрöй!

Кодi пилысь гөлös кылö,

Локтöй меным отсөг вылö?!

Аслас вошöма став полөм —

Ой и муса жö тэ, олөм!

Тывборд кусыньтö, да тайөн

Корö отсавны Нагайös.

Юр вывтiыс Лешак тövзьö,

Курыд тшынөн-биөн сьövзьö.

Булат-мечөн сылы паныд

Петö тышкасьны Иваныд.

И со Лешак орчча-орчча,

Öвтчö бедьнас, лёкысь ёрччö:

— Ак тэ, лёльö, бордтөм рака,

Виртö тэнсьыд на ме лака.

Крука бедьнас мортлы кучкö.

Быттö вирсö нин со дучкö.

Пöдi Ваня курыд руас,

Пидзösödзыс вöйис муас.

— Сэссия нинөм тэ он көсйы? —

Лешакыдлөн синмыс öйö,

Да Иванлы кучкö мöдысь,—

Муас вöйис дзик гөгйödзыс.

Вөйө, но оз вошты садьсө.  
Прөста Лешак радлө тадзсө.  
Сэк Иванлы стрөка сюрис,  
Сөтис, лэбзис өти сюрис.  
Лешаклөн съод вирыс лэччө,  
Оз нин ыршась — бөрлань сетчө,  
Быттьө ачыс биас сылас,  
И, друг, кымөр сайсянь, вылас  
(Лешакыд эз виччысь тайөс),  
Миян чепөсйис Нагайыд,  
Кватитис да вывлань лэптис,  
Сэсся Иван водзө дзенгис.  
Кокыштіс Лешаклы юрас,  
Иван сөтөбтіс мөд сюрас.  
Сюрыд ылө-ылө лэбис.  
Лешакыдлөн лолыс петис.  
Маша бөрдө — сійө шуда,  
Ваньөс окалө да кутлө.  
— Ыджыд аттьө тэн, Нагайө!  
Мездлун миянлы тэ вайин!  
— Отсөг сетны вөлі дась ме,  
Но ті молодечьяс асьныд!  
Эг өд прөста шулы: повтөм  
Коркө босьтас сылысь ловсө.  
Но, а донаясөй, өні  
Зарни чунькытш тіян көні?  
Ваня, сійөс чуняд пуктан,  
Чужан сиктад өдйө тутан.  
А ми Машаыдкөд ньөв моз  
Тэ бөрся дзик пыр жө төвзям...  
Озъяг сиктын сэсся төлысь  
Ворсісны зэв гажа көлысь.  
Пукалі ме пызан сайын,  
Вөлі сәні и Нагайыд,  
Вердісны и сійөс яйөн.

Горзім: «Курыд, курыд, курыд!»  
Пуксис му вылө тай бурыд.

Бурлы паныд лёк көть чужлө,  
Венө лёксö крепыд дружба!  
Кор ми ставөн öтув олам,  
Немся грöзысь огö полöй.  
Сöмын, дона войтыр, тöдöй:  
Пыр на ловъя сюра рöдыд.  
Кеслö пиньсö, көсйö ядөн  
Пöртны дона Муöс адö.  
Медым дзоридзалис мичлун,  
Лоöй дасьöсь сйöс видзны!

УДК 72.01  
ББК 84.001.01

# ЮРИНДАЛЫСЬ

## ЧУЖАН МУӨЙ-МАМӨЙ

Чужан муөй-мамөй . . . . .	6
Юкмөсьяс . . . . .	6
Ордым . . . . .	7
Мед шувгө вöрыс . . . . .	8
Вöрыс козьналö выль мойд . . . . .	8
Видз вылын . . . . .	9
Өнiя морт . . . . .	10
Тöлысь . . . . .	10
Мыйөн лоны? . . . . .	11
Вöвьяс . . . . .	11
Тарас туй . . . . .	12
Тувсов шор . . . . .	14
Арся вöрын . . . . .	14
Кузнеч . . . . .	14
Медводдза воськовъяс . . . . .	15
Кывбур йылысь . . . . .	16
Видза олан, школа . . . . .	17

## БЫД КАД МИЧА

Тулыс . . . . .	19
Гожся лун . . . . .	19
Ар . . . . .	20
Тöвся рөмъяс . . . . .	20
Кыдзи төвлы воис пом . . . . .	21

## НАЙӦ ОЛӦНЫ МИЯНКӦД

Мый быдмӧ град йӧрын . . . . .	24
Гортса пемӧсьяс . . . . .	25
Ланкор . . . . .	25
Пышкай . . . . .	26
Кыдзи кыйсис Васька кань . . . . .	26
Кань да шыр . . . . .	28
Тӧлка чипанпи . . . . .	28
Тӧдан-ӧ чериясӧс? . . . . .	29
Вермас, оз? . . . . .	31
Лыдбӧдлана физзарядка . . . . .	32
Большысь кӧч . . . . .	33

## ТЭНАД ТОМ ЁРТЪЯС (Висьтъяс)

Митя да дзодзӧг . . . . .	36
Гыча гуяс . . . . .	38
Бать кок пӧв . . . . .	41
Варов Миша . . . . .	43
Пон сёрни . . . . .	44

## НАГАЙ-ЛЭБАЧ (Мойд)

†Нагай-лэбач . . . . .	46
------------------------	----

Для детей младшего и среднего школьного возраста  
*Литературно-художественное издание*

**Щукин Николай Александрович**

**РОДИМАЯ ЗЕМЛЯ-МАТУШКА**

**Стихи, рассказы, загадки, легенда-сказка**  
*На коми языке*

Редактор *А. В. Тентюков*

Художник *В. А. Моторин*

Художественный редактор *Г. Н. Шарипков*

Технический редактор *З. А. Поздеева*

Компьютерная верстка — *В. В. Осипов*

Корректор *Э. С. Грегер*

ЛР № 010039

Сдано в набор 5.07.96. Подписано к печати 15.12.96. Формат 60x84<sub>16</sub>. Бумага офсетная. Гарнитура «Школьная». Печать офсетная. Усл. печ. л. 4,19. Усл. кр.-отт. 13,49. Уч.-изд. л. 3,39. Тираж 2000. Заказ 455. Коми книжное издательство. 167610, г. Сыктывкар, ул. К. Маркса, 229.

Отпечатано в Кировской областной типографии.  
610000, г. Киров, Динамовский пр., 4.



3500

